

高麗史

世家

十八



伊6  
2809  
/8





2809  
18



祀

世家卷第二十九

高麗史二十九

正憲大夫工曹判書集賢殿學士知經筵春秋館事兼成均大司成臣鄭麟趾奉

教修

忠烈王二

廿二字下

五年春正月王在元 辛亥帝賜王亡宋寶器鳳瓶玉笛等九十事翼日又賜王及從臣彩帛 乙卯宰樞享公主 校尉李應柱康渭成賈頌曆詔還自元詔曰朕若稽天象敬授人時所以大一統重民事也卿世守藩方

六行分トル



歲修貢職宜頒新朔用示同文尚驅東作之  
民勉率西成之効 丙寅王謁帝帝使御史  
大夫月列倫樞密字刺必閣赤忽禿哥兒閣  
兀等諭王曰忻都茶立奏鎮邊種田軍回來  
時妻子皆爲官司所留不遣是否王對口去  
夏奉聖旨歸國差官與帥府考官軍妻妾婚  
書有無依例點刷非敢擅留 丁卯王侍宴  
長朝殿 戊辰王謁帝茶立以軍人妻子一  
百二十八人爲請茶立子爲字刺執鞭之豎

字刺頗佑茶立王曰若以分揀軍人妻子爲  
不法縱軍人脅良民子女強娶之可爲法乎  
月列倫等奏之帝曰軍人妻有兒息者歸其  
夫國人官高有罪者申奏而後罪之因命王  
歸國 公主幸新宮勞役徒 己巳遣盧英  
歸國命母以迎待煩民 庚午王發燕京  
二月丁亥至自元 己丑遣少尹趙愉于東  
寧府推刷已未以來西海之民亡命者 辛  
卯王放鷹于壽康宮 甲辰慶源公祚卒



丙午以金方慶為世子傳許珙知僉議府事  
洪子藩判密直事韓康為密直使奇洪碩同  
知密直事監察提憲任翊宋玠李尊庇並為  
密直副使 三月庚戌親醮于康安殿 撤  
竹坂洞人家三百餘戶以起新宮徒役凡四  
千 甲寅遣郎將殷弘淳如元獻花文大席  
丁巳遣帶方公澂率禿魯花如元金方慶  
子忻元傳子貞朴恒子元宏許珙子評洪子  
藩子順韓康子射奇薛公儉子之冲李尊庇

洪子藩  
藩相混今用藩

子瑀金周鼎子深等衣冠子弟凡二十五人  
皆超三等授職送之 己未以尹秀為全羅  
道鷹坊使遣元卿於慶尚李貞於忠清朴義  
於西海稱為王旨使用別監 壬戌王及公  
主觀獵于馬堤山 丙寅教曰予聞人有怙  
權昧理擅奪人田民者又有托勢得官超資  
越序者甚無謂也脫或不改非惟其所托  
附者亦皆罪之其含冤抱屈者無論貴賤尊  
卑宜各上書駕前聽訟官遷延不決必罰無

舍舍



賞 丁卯王及公主移御壽康宮 庚午忽  
赤三番享王 辛未停各道計點使 壬申  
王獵于郊 癸酉王以田民之訟積年未決  
將今年三月以前事命左司議權胆將軍崔  
有滄等七人爲別監四月以後委監察典法  
司推決無滯 傳旨都評議司曰可遣使諸  
道檢察往年三稅納否戶口增耗自今年更  
定稅額并點益戶以徵其稅宰樞以謂三稅  
納否各有司存察戶口增耗非農時所行遂

停之 夏四月戊寅王與公主放鵝鴨于東  
川觀之 辛卯傳旨曰安東公主湯沐邑也  
副使宋由義其帶紅鞋之任由義以三品求  
羨邑又請紅鞋時議譏之 乙未遣王子滋  
于忠清道牙州東深寺避世子也 辛丑遣  
中郎將鄭公宋賢如元請置伊里干 癸卯  
王有疾放新宮役徒修諸陵 甲辰移御舍  
那寺 乙巳以旱宥二罪以下 丙午移御  
賢聖寺復新宮役徒 五月丙辰王與公主



觀竹坂新闕 丙寅流監察侍史金弘美左  
司諫李行儉于海島 丁卯用樂祀新殿驚  
瓦 戊辰以公主有疾移御將軍李貞家又  
移御水口觀音寺 庚午放新宮役徒 辛  
未遣將軍盧英如元請醫 是月元中書省  
牒云據來文至元十二年使臣嶽都因王外  
郎傳諭聖旨改革本國官名已與使臣嶽都  
因商量改革訖諸路官司往來文字指僉議  
府而本府緣無印信每及行移勢似難便伏

希給降印信并行移諸路文字体例事都省  
奏奉聖旨鑄與印信者欽此送禮部依例鑄  
到高麗僉議府正四品銅印一顆付于差來  
官鄭貴朱碩等收受前去 六月丁丑朔罷  
左司議大夫權胆晉州牧副使崔崑 庚辰  
移御張舜龍家 甲申敬寧宮爲貞和院  
丁亥賜趙簡等及第 辛丑盧英與醫二  
人還自元東征元帥府承省旨令造戰艦九  
百艘 癸卯王與公主移御壽康宮 都評



高麗史卷二十九  
議使據聖旨請於瀋州遼陽開置伊里干徙  
諸道富民二百戶居之又於鴨綠江內置伊  
里干二所各一百戶以供朝聘役使從之  
秋七月丙午朔召還李行儉金弘美 戊  
申慶尚道按廉使奏長史趙旣嘗爲一善縣  
令與密城人謀叛今雖革面不可使立於朝  
請罷職從之 己酉遣承旨趙仁規印侯如  
元奏稟修造戰艦 乙卯除各道按廉守令  
賀正至及到界狀 庚午遣密直副使李尊

庇將軍鄭仁卿如元賀聖節仍上書都堂曰  
前次趙仁規等申啓修造船楫事并請勿令  
元帥府監督元帥茶立與我有隙百姓皆怨  
若使監督民必驚疑逃散未易濟事乞善奏  
天聰 八月丙子朔王與公主宴于新殿  
丁丑還御壽康宮 辛丑將軍金伯均與元  
使金宗義如慶尚道點軍器 是月作客館  
稍工上左引海一冲等四人自日本逃還  
言至元十二年帝遣使日本我今吾人郎將



徐贇及稍水三十人送至其國使者及贇等皆見殺王遣郎將池瑄押上左等如元以奏  
九月丙午王放鷹于甌山 已酉宴于新  
殿 癸丑遣許珙于慶尚道洪子藩于全羅  
道爲都指揮使修造戰艦又遣權胆於忠清  
爲都指揮使朱悅於慶尚郭汝弼於全羅禹  
濬冲於西海崔有侯于東界交州皆爲計點  
使 丙辰遣將軍金允富張舜龍如元 甲  
子放鷹于籍田 中郎將鄭公還自元帝賜

點點

王海青圓牌 乙丑王放鷹于猫串二日  
戊辰移御將軍張舜龍家 甲戌以世子誕  
辰宴于新殿 冬十月丁丑飯僧五百于新  
宮 元遣弓丹赤塔納必閣赤哈伯那來督  
修戰艦 戊寅宴元使于新殿二使拜于階  
前 已卯元遣樊閩來點視站驛 辛巳王  
獵于南部獲鹿一獐二召謂康允紹李之氏  
曰夫獵馳聘從禽宜視險若夷汝等擇地而  
行安能多獲自今可數獵以閑習之 壬午



木匠提領宴王于新殿 癸未遣廣平公讓  
偕塔納哈伯那監督戰艦于慶尚全羅道  
己丑親設消災道場于本闕 寅庚王獵于  
桃源驛 甲午移御沙坂宮 戊戌遣中郎  
將鄭福均如元獻人參 己亥元遣郎哥歹  
送馬百五十匹令放水內又令揀鄉馬以進  
庚子諸回回宴王于新殿 辛丑幸王輪  
寺 壬寅親設消災道場于新殿 十一月  
丙午幸賢聖寺 戊申宴郎哥歹于新殿

癸丑火星食月命宰樞臺省論時政得失令  
於實封皆不書名以進是日放造成役徒  
癸亥濟州達魯花赤享王 乙丑王獵于普  
賢院 辛未召見忠清西海計點使咨問民  
瘼 壬申收還諸臣受賜官奴婢屬都官  
康允紹金子廷詐稱賜牌多占土田沒入新  
興倉 命選州郡倡妓有色藝者充教坊  
十二月甲戌朔遣大將軍俞洪慎少尹金光  
就如元賀正 辛卯以許珙同修國史薛公



庚辰

儉知密直司事宋玠李尊庇並同知密直司  
事朴球為密直副使金伯鈞禹濬冲並為三  
司使流監察侍丞崔有滄于大青島尋召還  
六年春正月甲辰罷朱悅郭汝弼 己酉以  
星文屢變宥二罪以下 癸丑移御本闕  
庚申遣大將軍印侯將軍高天伯與塔納如  
元 壬戌王與公主賞東池遂幸觀音寺  
乙丑以德泉寺住持益藏擊殺永春縣吏又  
與妓玉真通流于海島益藏元宗寵姬子也

丙寅忽赤享王于新殿 己巳遣親從將  
軍朴延中郎將李仁于東寧府推刷夫匠  
二月癸酉朔忽赤享王乙亥又宴 己卯遣  
校尉鄭之演如元獻環刀三百七十八把  
庚辰郎哥歹享王 壬午鷹坊享王哈八那  
郎哥歹等諸客使皆赴 丙戌命中郎將柳  
瑯搜大府財貨入內 戊子移御壽康宮  
乙未還御沙坂宮 丙申密直副使李尊  
庇偕哈伯那視戰艦于全羅道 戊戌王與



高麗史卷二十九  
公主如玄化寺命承旨廉承益作佛殿 三  
月壬寅朔大將軍印侯將軍高天伯與塔納  
還自元塔納至岳嶺站蒼津等數縣當供晝  
食有人告塔納曰吾邑之民盡隸鷹坊子遺  
貧民何以供億欲還朱記於國家歿死而已  
塔納來責宰相曰東民獨非天子之赤子乎  
困苦至此而不之恤朝廷馳一使以問何辭  
以對宰相白王請去鷹坊之弊王怒欲請回  
回之見信於帝者以來分管諸道鷹坊抑令

宰相不敢復言趙仁規力諫而公主亦言不  
可乃止 癸卯召檢校大將軍吳光札拜爲  
明仁殿侍衛將軍賜紅鞋光札年八十九居  
同福縣其子僧祖英有寵故有是命 甲辰  
輟西海道己卯年轉米賜岳嶺道各站以供  
郎哥歹又以支宮室戰艦鐵價及夫匠糧  
戊申親醮三界于本闕 庚戌諸王宰樞享  
王于新殿召柳璿皇甫琦崔瑛宋松禮邊胤  
等致仕宰樞侍宴 壬子監察司言頃在江



都貢賦粗足今左右倉之入頓減而又致大  
坊厨外漆色鞍色阿闍赤等各所賜食皆仰  
給右倉請除之且修宮室今已三載而兩班  
無僕隸者只賣祿牌雇傭赴役或有躬自執  
役者亦請除之以俟農隙又諸道按廉使別  
監職在察理治問民苦今皆籍上供歛民納  
紵皮幣脯果名表紙等物賂遺權貴請皆理  
罪王只許除名表紙 乙卯監察司上言論  
時事王大怒鞠侍史沈諤于崇文館流雜端

陳侗侍史文應于海島罷殿中侍史李承休  
以將軍金鎰為侍丞郎將禹天錫為雜端佐  
郎閔萱為侍史前廣州判官李仁挺祗候閔  
漬為殿中侍史 丙辰幸本闕設藏經道場  
見殿後杜鵑花盛開題四韻詩一篇令詞臣  
白文節潘阜郭預閔漬等十八人和進文節  
等進言請宥沈諤之罪即命釋之尋又釋侗  
應等 戊午元遣蠻子海牙來帝勅禁郡國  
舍匿亡軍回回恣行屠宰 辛酉下旨曰今



之儒士唯習科舉之文未有博通經史者其  
令通一經一史已上者教授國子乃以司宰  
尹金礪正郎崔雍左司諫方維前通事舍人  
柳沆權知祗候薛調前祗候李郃吳漢卿爲  
經史教授 戊辰將軍曹允通還自元中書  
省許復設談禪法會 夏四月癸未隕霜殺  
禾苗甲申亦如之 丙戌遣中郎將簡有之  
如元平章阿哈馬求美女弘圓寺真殿直張  
仁罔請以其女行有之押去於是除仁罔郎

將時人譏其賣女得官阿哈馬以其非名族  
不受 庚寅王與公主幸吉祥寺觀朴淵  
遣中郎將池暄于東寧府問發掘先代君王  
陵墓 辛卯王與公主至新宮匠者白曰役  
徒三年不得一日之息妻兒何以為生今當  
農時乞且放歸不聽 癸巳以旱甚禁人扇  
笠 乙未賜李伯琪等及第以旱不賜花  
巷市 五月癸卯以詩賦親試文臣取書籍  
店錄事趙簡等九人賜黃牌籍內侍 倭賊



入固城漆浦擄漁者而去遣大將軍韓希愈  
防守海道又選忽赤巡馬諸領府等二百人  
分守于慶尚全羅道倭賊又寇合浦擄漁者  
二人以歸乃遣大將軍印侯郎將池瑄告于  
元 乙巳命忽赤擊毬王與公主御涼樓觀  
之 壬子雨雹聚首僧禱雨 癸亥雨 乙  
丑王與公主如玄化寺 丙寅召文臣及殿  
試及第示所製四韻詩今刻燭和進左司議  
潘阜待制郭預恥與後輩同賦爲左右所迫

不得已亦進焉 甲戌柳庇還自元帝勅以  
本國軍卒防禦倭賊 是月旱蝗元中書省  
牒加糴米一萬石 六月己卯郎將池瑄還  
自元言蠻子海牙非朝廷所遣當押送京師  
辛巳新宮成號曰膺慶樓曰寒碧門曰泰  
通 遣將軍朴義如元獻鷄子 秋七月癸  
卯移御承旨廉承益第 遣將軍元卿如元  
丙午僉議中贊金方慶上章乞退遣承旨  
鄭可臣敦諭起之 辛亥將軍朴義還自元



高麗史卷二十九  
帝勅王親朝 甲子移御沙坂宮 乙丑以  
西海道計點使禹濬冲爲都指揮使 丙寅  
遣密直副使金周鼎如元賀聖節 丁卯中  
書省牒云雙城民戶除將韓信等三戶分付  
訖外德光等六戶緣雙城勒留在前宴帖兒  
元斷并差官魏文愷斷與本國全戶三十隻  
身男女四十二名放歸而後分付德光等事  
都省准此除前項戶計劄付開元等路宣慰  
使行下雙城照勘呈省外合行移牒請照驗

即將德光等六戶分付施行 八月辛未王  
以將如元且天變屢彰宥二罪已下 王如  
元 癸酉元卿自元費省旨來令耽羅達魯  
花赤自以其鐵匠修戰艦 丙子元流皇子  
愛牙赤于大青島 癸未王次昌義縣永寧  
公率二子來謁 辛卯公主宴愛牙赤于新  
殿 王至上都時帝在闔干那兀王遂如行  
在乙未謁帝帝宴王仍命從臣赴宴先是王  
使朴義奏曰東征之事臣請入朝稟旨帝許



之忻都茶立范文虎皆先受命茶立曰臣若  
不舉日本何面目復見陛下於是約束曰茶  
立忻都率蒙麗漢四萬軍發合浦范文虎率  
蠻軍十萬發江南俱會日本一歧島兩軍畢  
集直抵日本破之必矣王以七事請一以我  
軍鎮戍耽羅者補東征之師二減麗漢軍使  
閻里帖木兒益發蒙軍以進三勿加洪茶立  
職任待其成功賞之且令閻里帖木兒與臣  
管征東省事四小國軍官皆賜牌面五濬地

濱海之人并充梢工水手六遣按察使廉問  
百姓疾苦七臣躬至合浦閱送軍馬帝曰已  
領所奏 戊戌勅王還國丞相安童母獻良  
馬一匹 九月己酉王至北京康守衡享王  
于其第有同知宋貞儒者也王示以所製九  
日詩二篇 丙辰閻里帖木兒迎王于路獻  
馬三匹 征東元帥府鎮撫也速達費二關  
字來其一奉聖旨委忻都茶立范右丞李左  
丞征收日本行中書省事即自軍馬調度據



本國見管糧儲船隻梢工水手一切軍須請  
照驗行下合屬如法準備聽候區用勿值臨  
時失誤其一經行去處竊恐不畏公法之人  
放火燒草事係利害請照驗行下合屬出榜  
禁約如違罪有所歸 丙寅王至自元入御  
沙坂宮 丁卯元遣也速達崔仁著以水韉  
鞞之處開元北京遼陽路者移置東寧府使  
之將赴征東 冬十月辛未點閱京外兵  
丁亥令各道指揮使罷判官錄事唯留都評

議錄事 戊子令宮人奏樂笙簫歌吹之聲  
聞於外國人以東征故皆有蹙額之嗟 己  
丑監察司檢諸司勤怠謂之衙時監檢常以  
冬夏益月行之 以外方多故除八關正至  
賀表 庚寅王獵于馬堤山 丁酉征東行  
省遣者毛兒闌備糧餉軍器僉發士卒差定  
頭目 戊戌中贄金方慶復請老不允是月  
元行中書省移牒征東軍事牒曰欽奉聖旨  
征收日本國會驗至元十五年奉到樞密院



古風集卷二十九 十六  
筭付先爲軍前多有逃亡事故歇役軍人奏  
奉聖旨差官與各路奧魯官吏一同磨勘其  
間若有欺蔽隱匿定到奧魯官吏罪名罷職  
斷沒人口財產如此嚴切起補本院照得前  
項逃亡事故歇役軍多者蓋爲渡江已來分  
調軍馬諸處征進其管軍頭目爲不係親管  
軍人不肯用心撫恤將強富者指作合必赤  
拔都兒爲名常川占破弓委頭目管領不當  
軍中差使親管頭目却無軍管過有出征巡

哨一切工役止令其餘軍人應當也漸靠損  
或出軍時得到些小討虜又以指名抽分拘  
收軍中科收錢物軍人好馬軍官假借強換  
剋減軍馬糧料不顧軍人飢寒官司工役頻  
併不度軍力難易軍病不醫稍似痊愈便當  
重難差使勞役身死器甲什物損毀並不預  
先照勘遇有勾當纔方勒軍借債補買如此  
情弊多端以致逃亡歇役軍前失誤調用奧  
魯內起補致令奧魯官吏因而作弊騷擾不



安此係管軍官吏之過若不禁約切恐起補  
軍人發到軍前循習舊弊依前指名占破不  
肯用心存恤又以臨逼逃亡再來與魯內勾  
補轉致損壞軍戶爲此聞奏過頒降到聖旨  
宣諭行省行院都元帥各衛指揮使招討萬  
戶以下大小管軍官首領官鎮撫人等交樞  
密院遍行條畫禁治更交提刑按察司官常  
切用心體究仰樞密院同行省行院將軍官  
所行公事考校功過明白奏聞定奪賞罰本

省參詳即目相近出征若不預先省諭軍官  
軍人臨期失誤枉負罪責今將元降聖旨全  
文抄錄在前并樞密院定到條畫開坐請照  
驗欽依所奉聖旨事意及照依樞密院條畫  
區處更爲行下合屬於軍人屯住去處常切  
明白開讀嚴功省諭施行一管軍官將所管  
軍人選揀親丁好漢一名常要數足閱習武  
藝慣熟教練陣勢進退法度各要精銳不許  
雇名驅丁軟弱之人當役所據練定好軍無



得私下交換及不得因梯已勾當虛作別名  
放軍還家若有輪定必合交換者令管總司  
當官相驗堪充軍者方許替換總司給引放  
令還家合替軍未經相視一面無引逃走者  
便同逃軍在下軍官鎮撫不得一面給引替  
換侍衛親軍不拘此例如不測差官點覷得  
軍人少數或有雇名驅口軟弱之人定須究  
理一大小官負人等所占合必赤拔都兒軍  
人屯住去處不合常川占破聖旨到日盡數

發付本翼親管頭目管領與其餘軍人一處  
通行輪當係官差役如遇出軍必用合必赤  
拔都兒者至日驗各翼軍數選行摘撥回日  
依舊各歸本翼今後大小官負屯守去處並  
不得依前常川占破合必赤拔都兒靠損其  
餘軍人過夜止於守城軍內輪差守宿委官  
管領以備勾當亦不得私使軍人工役營運  
及不得將管軍官負占管定司招收民戶等  
勾當新附軍人但請糧者亦依此例軍官合



必亦人數襄陽府時行省已有定到各設數  
目除此人數外不得多占一出軍時軍人討  
虜得到人口頭匹一切諸物各自為主本管  
頭目人等並不指名拘收亦不得擺摭罪名  
逼嚇取要一軍人馬匹軍官不得假借換要  
及不得勾當差使軍人馬匹致有瘦弱倒死  
勒令軍人借債補買生受一軍前若有患病  
軍人隨令手高醫工對證用藥看理各翼選  
好人服侍仍仰本翼額設首領官不妨本職

專一司病看理病軍將養復元方許輪當差  
使逐旋具數開呈本翼若較考時驗病死軍  
人多寡定奪司病官賞罰施行一軍人對陣  
相殺就陣亡沒者仰本管頭目從實供報保  
結呈復依例給賞本戶軍役擬依舊例存恤  
一年若病死者亦以存恤半年限外向起戶  
下其次人丁補役一攻城野戰但遇敵人對  
陣相殺者將委實向前出力獲功頭目軍人  
對衆推詳明白端的從把軍官開坐花名獲



必亦人數襄陽府時行省已有定到各設數  
目除此人數外不得多占一出軍時軍人討  
虜得到人口頭匹一切諸物各自為主本管  
頭目人等並不指名拘收亦不得擺捩罪名  
逼嚇取要一軍人馬匹軍官不得假借換要  
及不得勾當差使軍人馬匹致有瘦弱倒死  
勒令軍人借債補買生受一軍前若有患病  
軍人隨令手高醫工對證用藥看理各翼選  
好人服侍仍仰本翼額設首領官不妨本職

專一司病看理病軍將養復元方許輪當差  
使逐旋具數開呈本翼若較考時驗病死軍  
人多寡定奪司病官賞罰施行一軍人對陣  
相殺就陣亡沒者仰本管頭目從實供報保  
結呈復依例給賞本戶軍役擬依舊例存恤  
一年若病死者亦以存恤半年限外向起戶  
下其次人丁補役一攻城野戰但遇敵人對  
陣相殺者將委實向前出力獲功頭目軍人  
對衆推詳明白端的從把軍官開坐花名獲



必亦人數襄陽府時行省已有定到各設數  
 目除此人數外不得多占一出軍時軍人討  
 虜得到人口頭匹一切諸物各自為主本管  
 頭目人等並不指名拘收亦不得擺披罪名  
 逼嚇取要一軍人馬匹軍官不得假借換要  
 及不得勾當差使軍人馬匹致有瘦弱倒死  
 軍人隨令手高醫工對證用藥看理各翼選  
 好人服侍仍仰本翼額設首領官不妨本職

專一司病看理病軍將養復元方許輪當差  
 使逐旋具數開呈本翼若較考時驗病死軍  
 人多寡定奪司病官賞罰施行一軍人對陣  
 相殺就陣亡沒者仰本管頭目從實供報保  
 結呈復依例給賞本戶軍役擬依舊例存恤  
 一年若病死者亦以存恤半年限外向起戶  
 下其次人丁補役一攻城野戰但遇敵人對  
 陣相殺者將委實向前出力獲功頭目軍人  
 對衆推詳明白端的從把軍官開坐花名獲



功實跡保定行省行院依例保奏給降官賞  
慢功者亦對指證是實取勒無詞招伏申上  
定斷無得中間看循恩讎虛申功過引惹違  
錯一每下戶選揀信實錢糧官二負遇有官  
給犒賞委令關文對衆給散本管頭目人等  
不得中間剋減若有差出事故軍人仰將關  
到錢物官爲知數收貯本軍回日給付身故  
者發付家屬無致侵使隱匿一軍馬糧料若  
遇關支亦令已委信實錢糧官管領關支不

得剋減如有身故軍糧倒死馬料食用不盡  
者見在數目却行回納或差出軍馬糧料收  
頓候回日給付或今次月請糧軍人就用無  
致私下破費一衣甲器仗軍需什物預爲點  
視足備聽候不測用度無致臨時闕少才方  
督逼軍人逐急借債補買以致多出利息生  
受一既軍中無擾却有在逃軍人仰本管軍  
官隨即申覆上司行移所屬奧魯官司差人  
前去約會一同根捉須要得獲元逃正身取



問是實就軍前照依見降聖旨定到罪名對衆施行如奧魯官并坊里正鄉司隣佑人等知情推調不拿元逃正軍者依已定罪名斷遣若軍官私下一面差官於奧魯內起補逃亡事故軍者仰奧魯官欽依聖旨事意開坐軍官姓名申院以憑取問一軍馬屯守去處須管於軍管內各千戶百戶牌字一處屯住摠把官貧係官廨宇居止不得於街防占奪新附官民宅舍四散安下欺壓新附民戶一

省諭官軍軍人據好投拜官民宅舍店鋪莊產田地花果松竹菜菌一切林木不得強行占奪如此占者歸附本主及不得劫毀人家墳墓一軍官軍人於新附州城不得挾勢強娶他人妻女如和娶者或有親屬隨從人口或有典雇人等不得典賣爲聘嫁一管軍官貧嚴加禁治各管軍馬屯住并出征經過去處除近裏地面先有聖旨禁治外但係新附地面不得收放頭匹踏踐百姓田禾咽咬花



果桑樹及不得於百姓之家取酒食宰殺猪  
鷄鴨刀奪百姓一切諸物一省諭管官吏  
衆軍人等據茶鹽酒稅麪一切應禁之物無  
致違犯若有違犯者除正犯人依條究治外  
本管頭目有失鈴束者亦行斷罪一軍官人  
等不得於軍人處擅科取要分文錢數頭匹  
一切諸物又牒曰欽奉聖旨條畫內一款節  
該大官負人等所占合必赤拔都兒軍人屯  
守去處不合常川占破聖旨到日盡數發付

本翼親管頭目管領與其餘軍人一處通行  
輪當係官差役如遇出軍必用合必赤拔都  
軍人者至日驗各翼軍數旋摘撥回日依舊  
各歸各翼今後大小官負屯守去處並不得  
依前常川占破合必赤拔都兒靠損其餘軍  
人即日照得相近出征日期本省擬議到下  
項各翼管軍官吏額設合必赤拔都兒軍人  
自萬戶以下管軍總管并千戶總把等官員  
如是各管軍人迭數依額差占若有軍數不



數減半占用已後管軍官員各不依元定額設數目多餘占使出征軍人如是官司察知或諸人首告得實自元帥萬戶摠管取招移啓省院聞奏定奪外據以下千戶摠把百戶等官負但有違犯就便革任如首告人有職役者陞加名分散軍隨即任用據此須合開坐移牒請照驗早爲行下管軍官員依上施行官負都元帥一百名左右副元帥八十名使萬戶五十名副萬戶四十名摠管所管軍

一千名額設合必赤軍摠管二十名副摠管一十名千戶所管軍五百名額設合必赤軍千戶一十名副千戶五名摠把所管軍二百名額設合必赤軍四名百戶額設合必赤軍二名元帥府首領官經歷一員七名知事一員四名令史五員各三名譯史占三名通事占三名知印占三名鎮撫占七名架閣庫管勾占一名鎮撫所令史二名爲占一名萬戶府首領官知事占三名令史四名各占二名



通事占二名譯史占二名知印占二名鎮撫  
占三名摠官所首領官止設提領案牘名分  
提領案牘占三名令史三名占用二名知印  
占一名彈壓占一名千戶首領官知官占一  
名知印彈壓占用一名摠把令史二名內占  
一名百戶司吏彈壓等占用一名 十一月  
壬寅閱三官五軍 丙午以摠郎金洹將軍  
趙允璠女歸阿哈馬 戊申宴塔納哈伯那  
于新殿 己酉遣右承旨趙仁規大將軍印

侯如元上中書省書曰小國已備兵船九百  
艘梢工水手一萬五千名正軍一萬名兵糧  
以漢石計者十一萬什物機械不可縷數庶  
幾盡力以報聖德予昔在朝廷嘗以勾當行  
省事聞于宸所未蒙明降竊念諸侯入相古  
之道也遼金兩國冊我祖先為開府儀同三  
司予亦猥蒙聖眷會拜特進上柱國以此忖  
得諸侯而帶上國宰輔之職古今有例伏望  
善奏教行省凡大小軍情公事必與我商量



然後施行差發使臣以赴朝廷亦必使與賤  
介同往今有行省文字云右咨高麗國王封  
云到國王開圻竊審中書省行來文字字謹  
紙厚每牒云請照驗謹牒未詳行省文字是  
何體例子忖得行省於國王既無疑忌雖咨  
關劄付可也若諸駙馬處有不得已行移文  
字當用如何體例昔禿靼哥國王於我父王  
未嘗直行文字必行下達魯花赤伏望定奪  
彼此往還文字格式回示小國連年不登民

皆乏食所以軍糧未曾盡意收貯除見在兵  
糧七萬七百二十七漢石外内外公私俱竭  
以此大小官貧月俸國用多般賦稅悉皆收  
取更於中外戶歛粗備四萬漢石過此難以  
應副算得正軍一萬名一朔糧凡三千漢石  
若夫大軍多至三四萬其闊端亦且不小  
又有梢工水手亦不下一萬五千名近得行  
省文字云明年春首起程前去若今諸路官  
貧沓來不待青草軍糧尚爲不敷馬料將何



支應又聞將以五六月放洋前去我國每歲  
五六月靈雨不止小有西風海道霧暗倘或  
淹留時日未果放洋其接秋口糧載船行糧  
又何能支唯恐軍民一時乏食不以情實預  
先申覆後有闕誤利害非輕請照驗施行小  
國一千軍鎮戍耽羅者在昔東征時係本國  
五千三百軍額竊念小邦地徧人稀軍民無  
別節次更添征討軍四千七百深恐難以盡  
數應副願將前項鎮戍一千軍以補新添征

討軍額小國昔有達魯花赤時內外人戶合  
用弓箭至於打捕戶所有悉皆收取又於昔  
東征時五千三百軍費去衣甲弓箭多有棄  
失僅得收拾頓於府庫不堪支用况今新僉  
四千六百軍元無一物何以防身伏望善奏  
賜以衣甲五千弓五千弓弦一萬增其氣力  
小國軍民曾於珍島耽羅日本三處累有戰  
功未蒙官賞伏望追錄前功各賜牌面以勸  
來効每一千軍摠管千戶各一摠把各二花



高麗史卷之九十九  
名抄連在前請以上將軍朴之亮大將軍文  
壽羅裕韓希愈趙圭親從將軍鄭守琪大將  
軍李伸朴保盧挺儒安社等十人爲揔管大  
將軍趙抃將軍安迪材許洪材金德至徐靖  
任愷金臣正李廷翼朴益桓等十人爲千戶  
中郎將柳甫金天祿李臣伯辛奕崔公節呂  
文就安興李淳金福大車公胤李唐公郎將  
朴成進高世和中郎將宋仁允郎將玉環桂  
富金天固李貞徐光純咸益深等二十人爲

揔把見今所抄小邦軍額京內二千五百慶  
尚道二千三百九十全羅道一千八百八十  
忠清道一千九百西海道一百九十交州道  
一百六十東界四百八十揔計一萬人兵船  
揔九百艘三百艘合用梢工水手一萬八千  
竊念小國戶口自來凋弊往歲東征之時大  
船一百二十六艘梢工水手猶爲未敷况今  
三百艘何以盡數應副以此至於農民徵發  
丁壯凡一萬五千人其不敷水手三千於何



高麗文卷二十九 二十八  
調發有東寧府所管諸城及東京路沿海州  
縣多有梢工水手伏望發遣三千人補之陪  
臣中贊金方慶自供職以來凡應奉朝廷詔  
命一心盡力又於珍島耽羅日本等三處隨  
官軍致討累有捷功宣授虎頭牌獎諭荅勞  
今復管領正軍一萬水手一萬五千名往征  
日本若不參領軍事竊恐難以號令或致違  
誤方慶年齡雖邁壯心尚在欲更盡力以荅  
天恩伏請善奏許參元帥府勾當公事兵糧

一年所收摠計一萬六千七百三十二石往  
年收貯并今年所收摠計七萬七百二十七  
漢石小國僉起正軍一萬水手軍一萬五千  
交中贊金方慶爲頭領管外交密直副使朴  
球金周鼎等就立萬戶前赴日本予往詣朝  
廷時分乞賜萬戶牌面未蒙明降伏望善奏  
朴球金周鼎等亦賜虎頭牌以勸來効右承  
旨趙仁規通曉漢語凡朝廷詔旨上司文  
字明白傳譯無有違誤予昔侍天廷終始隨



從又於公主根柢恪勤朝夕功勞不小亦賜  
牌面以充王京脫脫禾孫兼推考官頭目  
庚戌中書省遣會同館使張獻吏部主事也  
先海牙以絹二萬匹來市米以充兵糧 壬  
子王在沙坂宮設八關會 乙卯金方慶復  
上書乞退不允 己未命日官自今勿進冬  
至元正曆 庚申中贊金方慶密直副使朴  
球金周鼎閱東征軍士 丙寅遣中贊金方  
慶將軍鄭仁卿如元賀正 十二月癸酉以

許珙叅文學事世子保洪子藩知僉議府事  
世子貳師韓康為左常侍宋玠李尊庇並知  
密直司事世子元賓朴球金周鼎並同知密  
直司事金伯均為密直副使蔡仁平為三司  
使朱悅為版圖判書 甲申王獵于馬堤山  
辛卯趙仁規印侯還自元王迎詔于城西  
門外帝冊王為開府儀同三司中書左丞相  
行中書省事賜印信又以金方慶為中奉大  
夫管領高麗軍都元帥知密直司事朴球金



周鼎為侶勇大將軍左右副都統並賜虎頭金牌印信趙仁規為宣武將軍王京斷事官兼脫脫朮孫賜金牌印信朴之亮等十人為武德將軍管軍千戶賜金牌及印趙抃等十人為侶信校尉管軍摠把賜銀牌及印金仲成等二十人為忠顯校尉管軍摠把 甲午宴于新殿

巳辛

七年春正月戊戌朔元遣王通等頒新成授時曆乃許衡郭守敬所撰也詔曰自古有國

牧民之君必以欽天授時為立理之本黃帝堯舜以至三代莫不皆然為日官者皆世守其業隨時考驗以與天合故曆法無數更之弊及秦滅先聖之術每置閏於歲終古法益殫廢矣由漢而下立積年月法以為推步之準因仍沿襲以迄于今夫天運流行不息而欲以一定之法拘之未有久而不差之理差而必改其勢有不得不然者今命太史院作靈臺制儀象日測月驗以考度數之真積

術用術



年日法皆所不取庶幾昭合天運而永終無  
弊乃者新曆告成賜名曰授時曆自至元十  
八年正月一日頒行布告遐邇咸使聞知通  
等館于道日寺晝測日影夜察天文求觀我  
國地圖 壬寅遣知密直司事韓康于忠清  
交州道以備軍馬草料時慶尚道轉輸別監  
刻日督飛輓甚急民皆竄匿高丘縣吏恐後  
期抵罪自縊 丙午中外城隍名山大川載  
祀典者皆加德號 辛亥王如奉恩寺 丁

巳開元路東寧府王萬戶也先大王皆遣使  
來以東征事也 庚申地震 乙丑行省移  
牒備新簽軍一萬五千人糧料及大軍自岳  
嶺至合浦行程草料 二月巳巳宰樞享王  
子壽康宮以賀宣命 盜入王宮竊寶玉  
丁丑鷹坊與內僚享王賜米百斛助其費  
辛巳哈伯那如東界閱女真軍 壬午遣將  
軍李仁如元請減軍馬草料 癸未下僧批  
二百餘人 丙戌造成都監災時請元木匠



以修宮室今已三歲民不堪苦人以爲天示  
災以警之 庚寅王與公主幸世子府 內  
僚河汭稱旨取國贐庫金銀細紵入內帑分  
賜嬖倖此皆朝覲盤纏科斂者也怨讟交騰  
三月己亥猪坂橋人家百餘火 癸卯設  
消災道場于壽康宮 壬子元帥金方慶萬  
戶朴球金周鼎帥師向合浦 甲寅元遣征  
東行中書省右丞忻都茶立來時我  
翼祖亦以朝命自東北面來見王至于再三

益恭益虔王曰卿本土族豈忘本乎今觀卿  
舉止足知心之所存矣 乙卯將軍盧英還  
自元帝賜駙馬國王宣命征東行中書省印  
先是王奏曰臣既尚公主乞改宣命益駙馬  
二字帝許之 丙辰王與忻都茶立議事王  
南面忻都等東面事大以來王與使者東西  
相對今忻都不敢抗禮國人大悅忻都等往  
合浦 戊午皇后弘吉刺氏訃至公主遣中  
郎將鄭公如元請奔喪 是月林千戶押歸



附一萬五千來 夏四月丙寅朔幸合浦右  
副承旨鄭可臣扈從 庚辰王至合浦 癸  
未大閱于合浦 庚寅公主如元 五月戊  
戌忻都茶立及金方慶朴球金周鼎等以舟  
師征日本 戊申以旱禁戴笠持扇 甲  
寅雨 癸亥行省摠把報是月二十六日諸  
軍向一歧島忽魯勿塔船軍一百十三人稍  
水三十六人遭風失其所之遣郎將柳庇告  
于元 六月壬申金方慶等與日本戰斬首

三百餘級翼日復戰茶立軍敗績范文虎亦  
以戰艦三千五百艘蠻軍十餘萬來會值大  
風蠻軍皆溺死 癸未王次慶州下僧批僧  
輩以綾羅賂左右得職人謂羅禪師綾首座  
娶妻居室者居半 丙戌元遣兵三百騎來  
戍合浦 秋七月癸卯郎將柳庇還自元帝  
許耽羅鎮戍軍五十名出陸耕種 乙巳公  
主至懿州帝勅還國丁未乃還 己酉王至  
自合浦 甲寅王與公主宴于壽康宮 元



帥金方慶使中郎將朴晷奏諸軍至太宰府  
累戰交綏而退蠻船五十艘隨至復向其城  
因獻所獲甲冑弓矢鞍馬等物拜晷攝將軍  
戊午遣知密直司事韓康如元賀聖節  
八月丁卯王與公主幸慶尚道 庚午將軍  
元卿偕也先不花還自元帝勅塔納於慶尚  
塔刺赤於全羅也先不花於忠清皆為脫脫  
不孫 壬申遣別將唐世賞行中書省表如  
元賀聖節 王與公主次用安驛聞陰竹監

務金珥政最特差為都評議案牘負 丙子  
次于順安縣慶尚道按廉使閔萱設宴于新  
院 丁丑次甫州副使朴璘跨川作茅亭設  
宴左右皆譽移次安東府府使金頽結絲棚  
張樂以迎判官李檜惜民力務省浮費又拙  
於進退內僚皆毀之於是移檜於甫州璘於  
安東 己卯別將金洪柱自合浦至行宮告  
東征軍敗元帥等還至合浦 壬午遣將軍  
李仁如元 乙酉贊成事朴恒卒 閏月甲



千金方慶等來謁行宮 癸丑地震 丙辰  
遣左司議潘阜勞忻都茶立范文虎 庚申  
王與公主至自慶尚道 是月忻都茶立范  
文虎等還元官軍不返者無慮十萬有幾  
九月乙亥中郎將鄭公郎將柳庇還自元帝  
勅曰王勞於軍事其勿來朝 癸未中郎將  
鄭福均還自元帝陞僉議府為從三品鑄印  
賜之 冬十月己亥元勅於本國金州等處  
置鎮邊萬戶府以印侯為侶勇大將軍鎮邊

萬戶賜虎符及印張舜龍為宣武將軍鎮邊  
管軍總管 己未發龍門倉兵糧給領府  
十一月癸亥下教每月初八十五二十三  
及帝本命日禁宰殺且放衙 乙丑元召還  
皇子愛牙赤庚辰王與公主餞于碧瀾渡  
壬午各道按廉使啓東征軍九千九百六十  
名稍工水手 萬七千二十九名其生還者  
一萬九千三百九十七名 十二月壬辰遣  
大將軍金子廷如元賀正 庚戌有旨曰真



人嘗為世子入朝京師羅裕池允輔金應文  
鄭仁卿車得圭金富允李之氏黃龍金義光  
梁貯周碩金位良等有侍從之勞昔賊臣林  
惟茂擁兵江都以拒帝命贊成事致仕宋松  
禮前樞密院副使洪文系知密直司事宋玠  
大將軍金之底奮義掃蕩功在社稷其並議  
賞典 是年自春至冬中外疫厲大興死者  
甚眾

壬

八年春正月乙亥元遣闍刺解蒙古不花問

耽羅防守軍糧草糧歲支之數 丁丑王與  
公主如玄化寺 庚辰上將軍印侯張舜龍  
等與鷹坊享王子竹坂宮 是月元罷征東  
行中書省 二月癸巳忽赤享王子竹坂宮  
元遣蒙漢軍一千四百來戍耽羅 乙未  
王獵于西郊 戊戌王獵于馬堤山 甲辰  
燃燈王如奉恩寺除伎會 乙巳王與公主  
如興王寺遂幸壽康宮 乙卯幸王輪寺  
三月辛酉朔以判三司事韓康密直副使金



伯均為宰樞所司存 甲子醮于本闕 巳  
巳王與公主親設消灾道場于新殿 夏四  
月京城泥帖佛腹藏里有育兒其父母俱疫  
死兒獨與一白狗居兒執狗尾出于路人施  
以飯狗不敢先舐兒言渴狗引至井令飲復  
引還兒曰我失父母賴狗以活觀者憐之號  
為義犬 戊戌元遣不八思馮元吉來勘兵  
糧又以東征軍敗遣兵三百四十戌合浦六  
十守王京以備不虞 丙午遣同知密直司

事朴球鎮合浦 戊申遣佐郎李行儉如元  
進黃漆 巳酉以旱徙市禁戴笠持扇 乙  
卯王與公主幸本闕設百座法席 丁巳命  
州郡進畋犬 五月庚申教曰予惟否德國  
步多艱天譴相仍旱灾連歲故宜戒慎修德  
消變其犯二罪以下悉皆原免加松嶽及境  
內名山大川德號祖聖以下列祖加上尊號  
道誥國師文昌侯弘儒侯並加封爵文武正  
雜凡有職者加次第同正巳巳年東歸至婆



八四羅史卷二十九 三十八  
婆府聞變還朝侍從輔佐將軍丁伍孚鄭仁  
卿車得珪李之氏大府尹金應文郎將金義  
光爲一等功臣大將軍羅裕池允輔將軍林  
庇惣郎李承衍將軍金富允中郎將黃就郎  
將聶周碩梁貯正郎白佐明郎將田祐金位  
良爲二等功臣各賜田民其餘從臣依甲戌  
年宣旨子孫錄用別將金心伯劉福和殿前  
承旨崔仲卿雖皆常式七品隨從有功許通  
五品中郎將鄭承五再從入朝許其子限五

品 辛酉王與公主御涼樓使忽赤鷹坊分  
朋擊毬勝者賞以銀瓶 壬戌宰樞享王子  
新殿 丙寅王獵于金郊 甲戌作大屋于  
禁苑使張恭李平 養鷹王日必再至二人殺  
城中雞狗無算 癸未王與公主幸積石寺  
丁亥遣將軍朴義等二十五人如元獻鷹  
六月己丑王如奉恩寺 蠻軍搃把沈聰  
等六人自日本逃來言本明州人至元十八  
年六月十八日從葛刺歹萬戶上船至日本



八國通史卷二十九 三十八  
婆府聞變還朝侍從輔佐將軍丁伍守鄭仁  
卿車得珪李之氏大府尹金應文郎將金義  
光爲一等功臣大將軍羅裕池允輔將軍林  
庇穆郎李承衍將軍金富允中郎將黃就郎  
將聶周碩梁貯正郎白佐明郎將田祐金位  
良爲二等功臣各賜田民其餘從臣依甲戌  
年宣旨子孫錄用別將金心伯劉福和殿前  
承旨崔仲卿雖皆常式七品隨從有功許通  
五品中郎將鄭承五再從入朝許其子限五

品 辛酉王與公主御涼樓使忽赤鷹坊分  
朋擊毬勝者賞以銀瓶 壬戌宰樞享王子  
新殿 丙寅王獵于金郊 甲戌作大屋于  
禁苑使張恭李養鷹王日必再至二人殺  
城中雞狗無算 癸未王與公主幸積石寺  
丁亥遣將軍朴義等二十五人如元獻鷹  
六月己丑王如奉恩寺 蠻軍搃把沈聰  
等六人自日本逃來言本明州人至元十八  
年六月十八日從葛刺歹萬戶上船至日本



值惡風船敗衆軍十三四萬同栖一山十月  
初八日日本軍至我軍飢不能戰皆降日本  
擇留工匠及知田者餘皆殺之王遣上將軍  
印侯郎將柳庇押聰等送于元 乙巳慮囚  
乙酉王以公主有疾幸王輪寺翼日移御  
神孝寺 癸丑又放囚 丙辰移御叅文學  
事許珙第 秋七月戊午朔日食 庚申遣  
散貧高世如元請醫巫 辛酉以公主病設  
法華道場 甲子移御齊安侯第自是移幸

諸私第寺院或日再移 庚午大府寺不供  
蠲炬囚監察史郭膺內侍別監康之元于巡  
馬所 辛巳遣密直副使金伯鈞如元賀聖  
節 是月以公主久病禁薦坊宰牛 八月  
丙戌朔高世還自元帝曰病非巫所能已醫  
則前已遣鍊德新何必他醫惟賜藥物 甲  
午蠻軍五人自日本逃來 乙未大將軍印  
侯還自元帝以內僚高宗秀爲巡馬千戶仍  
賜金牌王嬖宗秀表請故也 丙午王獵于



猪灘 九月丁巳朔幸王輪寺 甲子王與  
公主世子幸吉祥寺設五百聖齋 郎將柳  
庇還自元帝賜王駙馬王金印 丙寅王  
與公主幸福靈寺 戊辰王與公主獵于馬  
堤山 幸壽康宮 乙亥王與公主畋于忠  
清道 以洪子翰為耽羅防護副使 遣鷹  
坊字魯漢等如元獻鷹 遣親從將軍鄭仁  
卿于遼瀋中郎將鄭福均于東寧府推刷人  
物 行從都監禁油蜜果又禁遠道守令來

謁 丁丑過孔岩次于安南 庚辰忠清道  
按廉鞠成允享王 壬午火獵民有焚禾者  
償其直 冬十月癸巳主與公主至自忠清  
道 甲午幸將軍張舜龍家 壬寅迎僧見  
明于內殿 丁未遣禿魯花上將軍金忻如  
元 己酉設仁王道場于崇慶堂王與公主  
行香 十一月戊午賜崔伯倫等及第 庚  
辰元遣禿渾賀仲謙修戰艦 丙戌分遣知  
密直司事宋玠于慶尚同知密直司事金伯



均于金羅密直副使禹濬冲于忠清判司宰  
金之卿于西海以修戰艦 十二月己丑遣  
上將軍俞洪慎如元賀正 乙未王與公主  
幸廣明寺訪僧見明 丙申遣上將軍印侯  
如元 東征時有峯城民没于倭逃至元明  
州帝賜名更生搜百戶遣還 乙巳譯者鄭  
之行還自元帝有旨耽羅鎮戍軍爾國差官  
管領 壬子慮囚 戊午遣將軍李英柱巡  
歷州郡察吏賢不肖以聞罷尚州司錄權萬

未癸

紀安東司錄任耘珍島縣令趙得珠

九年春正月丙辰朔日官奏日當食停宴會  
丁巳宴于新殿 庚申世子設宴 癸亥  
元遣伯刺介來求耽羅香樟木 壬申宴于  
新殿王不豫 癸酉設消災道場于本闕  
甲戌宰樞以王疾設法會于廣明寺 乙亥  
遣郎將仇千壽如元覘東征緩急至平灣州  
見修戰艦乃還 丙子移御中贊金方慶第  
二月甲午幸壽康宮宰樞享王 庚子賜



三番忽赤畿縣田號放牧所 丁未王放鷹  
于昇天府 戊申元遣東平李良茂送楮緡  
三千錠爲修艦費 三月乙卯朔中郎將柳  
庇還自元言帝徵江南軍將以八月東征日  
本 丁巳遣大將軍鄭仁卿別將鄭良如遼  
陽北京推刷流民 戊午流民至谷州遂安  
縣者移處新恩縣命加存恤 己未中郎將  
趙瑊等還自元帝賜鋪馬筭子五道 庚申  
也先大王遣使來獻海東青 辛酉市馬于

懿州 壬戌遣部夫使于諸道 癸亥遣中  
郎將池瑄如元 甲子親醮三界于本闕  
庚午以僧見明爲國尊 遣使諸道備兵糧  
造軍器修戰艦 甲戌遣副知密直司事趙  
仁規如元請減軍糧 遣使捕鷹於東界  
辛巳幸王輪寺 癸未王獵于東郊 夏四  
月乙酉命判密直金周鼎閱軍於燃燈都監  
戊子遣使于諸道令修艦夫匠三分減一  
歸農 辛卯三番忽赤享王于新殿 元遣



塔納阿字秃剌來督修戰艦 東界杆城人  
宋蕃告于元曰高麗東西界歸於朝廷其田  
尚爲國人所有計其畝可得四萬石請充東  
征軍糧中書省遣人徵之王問宰樞曰朝廷  
以宋蕃之言使我益發軍糧四萬石柰何對  
曰前者庾賙請賦二十萬石家抽戶斂僅得  
四分之一故遣趙仁規請減其數若增四萬  
何以辦之宜更遣人告以情實 己亥王與  
公主宴塔納阿字秃剌於新殿 丁未護軍

曹允通散貧韋守全還自元言趙仁規到開  
平奏減兵糧帝曰人言汝國足備二十萬石  
若誠不能量力爲之可矣 戊申夜有物赤  
如火大如斗漸廣如席墮順昌宮流星相繼  
而隕既而風暴作火起宮中焚蕩無餘 辛  
亥權罷州府郡縣事審官 五月戊午宴于  
涼樓觀擊毬 辛酉以旱命宰樞各言時政  
得失宥二罪已下 己卯王與公主幸福靈  
寺 鄭仁卿等還自元言帝寢東征之議王



命罷修艦調兵等事 六月壬辰有告於王  
曰兩班百姓輸兵糧已畢宰樞及有權勢者  
獨否王怒命軍糧別監具疏其名以聞 癸  
未趙仁規還自元帝冊王爲征東中書省左  
丞相依前駙馬高麗國王命與阿塔海共事  
己酉王與公主幸孝信寺觀畫佛 庚戌  
以公主生辰宴于新殿王與公主各賜群臣  
大鍾爭飲負者罰兩卮 乙卯王與公主幸  
妙蓮寺 秋七月戊午置鷹坊都監以金周

鼎爲使元卿朴義爲副使 命廉承益孔愉  
修玄化寺又修南溪院王輪寺石塔 塔納  
還元 己未王與公主如玄化寺 甲子公  
主不豫王與公主幸神孝寺 己巳遣郎將  
南裕廷如元進鷹 辛未遣知密直司事朴  
球如元賀聖節 八月癸未召還王弟順安  
公棕于仇音島 戊子移御齊安公第 丙  
申愛牙赤大王遣使獻幣 丁酉王獵于白  
州 辛丑選衣冠子弟充世子府宿衛 乙



已元倡優男女來王賜米三石 丙午王托  
供佛遣人除道三角山其實為遊畋也 已  
酉宴于大殿元優人呈百戲賜白銀三斤  
九月甲寅召還王子滋公主賜衣物 丙辰  
幸王輪寺 已未王與公主飯僧于金字大  
藏院 庚申遣護軍朴秀崔元老成耽羅  
親醮于本關 元流室刺只于大青島 乙  
丑耽羅達魯花赤塔刺赤還自元 辛未王  
獵于馬堤山 壬申塔刺赤享王獻二馬求

關關

甲甲

婚以內侍鄭孛女妻之 甲戌遣正郎魏文  
愷郎將金位良如開元路招刷人物 冬十  
月癸未護軍金富允還自元中書省差各道  
勸農使 甲申王與公主獵于南京 十一  
月辛酉遣大將軍趙朴如元賀正 十二月  
辛丑中贊金方慶乞退以上洛公致仕康允  
紹亦以判三司事致仕  
十年春正月癸丑咸平宣慰使奉中書戶部  
牒來推刷本國人口逃入雙城者王亦嘗遣



魏文愷金位良推刷甚詳雙城人賂以馬位  
良不受而還王聞而嘉之賜馬二匹 己未  
王與公主幸神孝寺 丁卯命以宰樞可兼  
萬戶者令鎮東邊 癸酉王與公主自神孝  
寺還齊安公第二月癸未又幸神孝寺 戊  
子以副知密直司事廉承益爲慶尚全羅忠  
清道都巡問使 庚寅還宮飯僧于禁中  
丙申趙抃賫表還自元帝受尊號大赦 丁  
酉王與公主移御齊安公第 己亥元遣濟

州達魯花赤來 辛丑遣知密直司事宋玠  
護軍張舜龍如元賀加上尊號 己酉王與  
公主幸吉祥寺齋五百羅漢 三月丁巳辛  
王輪寺 戊午親醮三界于康安殿 乙丑  
幸賢聖寺 夏四月庚寅王及公主世子如  
元扈從臣僚一千二百餘人賫銀六百三十  
餘斤紵布二千四百四十餘匹楮幣一千八  
百餘錠 戊戌次中和縣元捉鷹使郎哥歹  
東寧府達魯花赤等來獻鷹馬 己亥次東



寧府賜郎哥歹達魯花赤等銀紵有差 癸卯地震 甲辰帶方公澂等以禿魯花如元 戊申次龍州東京達魯花赤來迎獻馬 五月庚戌以判密直金周鼎為鎮邊萬戶 戊午東寧總管洪仲熙來獻馬 己未入東京總管康守衡及東京官僚等宴慰各獻良馬 庚申郎將高世還自元帝許除軍器不遣種田軍 閏月辛巳設消災道場于大內 丙戌獻鷹使四十人如元 辛丑元遣提

鷹使高子等六人來 六月庚午元遣閣梨帖木兒領兵來戍濟州 丙子監修國史元傳修國史許珙韓康等撰古今錄至十月而成 丁亥同知密直蔡仁平卒 秋七月甲午典法判書金愾卒 己亥遣副知密直司事孔愉如元賀聖節 九月甲申王及公主世子至自元 己亥以金周鼎為文翰學士承旨李尊庇為監察大夫孔愉為典法判書鄭可臣為密直學士崔守璜為右副承旨廉



守貞以寵臣承益之兄驟得少府尹知制誥  
冬十月丙午親醮于康安殿 丁巳王獵  
于平州 甲子賜趙宣烈等及第 乙丑王  
與公主宴于崇慶堂 十一月戊寅王與公  
主幸法華寺 辛巳元遣監候張仲良來頒  
曆 甲申宥二罪以下 癸巳徵中道丁夫  
營竹坂宮大殿 乙未王與公主幸妙蓮寺  
己亥王獵于都羅山 十二月甲辰遣密  
直學士鄭可臣如元賀正 丙午王與公主

幸妙蓮寺設華嚴法會 甲寅以印侯爲鎮  
邊萬戶 丁巳以趙抃爲左副承旨 戊辰  
以洪子藩僉議贊成事 金周鼎知都僉議事



世家卷第二十九

十

高麗史卷二十九



四六四

十

世家卷第二十九

漢書卷二十九



